



**Republika e Kosovës**  
**Republika Kosova-Republic of Kosovo**  
*Qeveria - Vlada – Government*

*Ministria e Forcës së Sigurisë*  
*Ministarstvo Snaga Bezbednosti Ministry of Security Force*  
**Departamenti i Personelit/ Odsek za personal/Department for Personnel**

---

Në mbështetje të nenit 145, pika 2, të Kushtetutës së Republikës së Kosovës, Ligjin Nr.03/L-045 për Ministrinë e Forcës së Sigurisë së Kosovës, Ligjin Nr. 03/L-46 për Forcën e Sigurisë së Kosovës neni 9, pika 9.1, nenin 13, dhe rregulloren Nr.01/2008 për Rekrutimin në FSK, Ministria e Forcës së Sigurisë së Kosovës shpall:

## **K O N K U R S**

### **Për rekrutimin e kadetëve në Forcën e Sigurisë së Kosovës Gjenerata e Gjashtë (2014)**

Ministria e Forcës së Sigurisë së Kosovës (MFSK) ushtron mbikëqyrje civile dhe kontroll demokratik mbi FSK-në dhe udhëhiqet nga Ministri i FSK-së, i cili i përgjigjet Kuvendit të Kosovës. Ministria është përgjegjëse për zbatimin e politikave qeveritare për sa iu përket çështjeve që ndërlidhen me FSK-në dhe po ashtu do të veprojë edhe si shtabi i nivelit më të lartë të FSK-së.

Forca e Sigurisë së Kosovës është forcë krejtësisht vullnetare e ndërtuar nga të gjitha shtresat e shoqërisë. Misioni i Forcës së Sigurisë së Kosovës, si instrument i sigurisë është që ta mbështesë Qeverinë e Republikës së Kosovës. Detyrat fillestare të Forcës së Sigurisë janë; Të marrë pjesë në operacionet për reagim ndaj krizave, përfshirë operacionet në mbështetje të paqës. Kjo do të përfshijë operacionet jasht territorit të Republikës së Kosovës, ku do të ftohet për këtë qëllim; të ndihmojë autoritetet civile në përgjigje ndaj fatkeqësive natyrore, fatkeqësive dhe emergjencave tjera, madje edhe si pjesë e një përpjekjeje reaguese regjionale apo ndërkombëtare; të kryej shkatërrimin e mjeteve shpërthyes; të ndihmojë autoritetet civile përmes operacioneve të mbrojtjes civile. Forca e Sigurisë së Kosovës fillimisht do të përbëhet nga Komanda e Forcave Tokësore, Brigada e Reagimit të Shpejtë, Brigada e Mbështetjes së Operacioneve dhe Komanda e Doktrinës dhe Stërviçjes.

Forca e Sigurisë së Kosovës (FSK) bën pranimin e kadetëve në Qendrën për Studime Universitare pranë Komandës së Doktrinës dhe Stërviçjes. Qendra për Studime Universitare ka për mision të përgatisë oficerë të arsimuar, e të stërvitur, që të jenë në gjendje të gjykojnë drejt, të komunikojnë qartë, të marrin vendime, të udhëheqin dhe të përballen suksesshëm me sfidat e së ardhmes, oficerë lehtësisht të integrueshëm, të ndërveprueshëm me vendet e NATO-së, si dhe t'u hap perspektiven për një karriere konkurruese e të qëndrueshme.

**A. Kandidati qe aplikon për kadet të FSK-së duhet;**

Të jetë shtetas i Republikës së Kosovës,  
Të ketë kryer shkollën e mesme,  
Të mos jetë i/dënuar apo i/e ndjekur penalisht nga organet e drejtësisë,  
Të jetë i moshës 18 - 21 vjeçar në datën e aplikimit.

**B. Testet;**

Ese në gjuhen angleze,  
Testin e njohurive të përgjithshme,  
Testin e Inteligjencies,  
Testin Pre-TOEFL,  
Testin mjekësor,  
Testin fizik,  
Intervista,  
Testi TOFEL.

**C. Dokumente për regjistrim;**

Letra e motivimit,  
Dëshmi, certifikata, mirënjohje (nëse posedon),  
Diploma e shkollës së mesme apo dëshmia e diplomimit,  
Certifikatën e lindjes,  
Kopje të letërnjoftimit apo pasaportës,  
Vërtetimin nga gjykata që nuk është nën hetime apo i ndjekur penalisht,  
Dy fotografi të formatit (5 cm x 5 cm).

**D. Si të aplikoni;**

Formularët për aplikim janë në dispozicion në Komandën e Forcave Tokësore, apo në web-faqen e M-FSK-së, [www.mksf-ks.org](http://www.mksf-ks.org), apo [www.ks-gov.net/mfsk](http://www.ks-gov.net/mfsk) ku gjendet shpallja e konkursit. Formularët duhet të dorëzohen personalisht, në këtë adresë: **Komanda e Forcave Tokësore, Kazerma „ Adem Jashari”**, porta nr.1, Prishtinë, në çdo ditë pune nga ora 09:00-15:00 deri në afatin e fundit për konkurrim. Kandidatët duhet t'ia bashkëngjisin aplikacionit kopjet e dokumenteve që dëshmojnë përmbushjen e kushteve të nevojshme. Për informata plotësuese, mund të kontaktoni në nr.tel. 038- 603-587. Konkursi është i hapur prej datës 10 Qershor 2010 dhe data e fundit e aplikimit është 25.06.2010.

**Ministria e Forcës së Sigurisë së Kosovës iu shërben të gjithë qytetarëve të Kosovës dhe mirëpret aplikacione të femrave dhe meshkujve për kadet të FSK-së, pa dallim nga përkatësia e tyre etnike.**